

# 《佛說阿彌陀經要解》 補充講表


◎附表五：以下糅合《彌陀要解講義》、《彌陀要解親聞記》

○如此信已，則娑婆即自心所感之穢。而自心穢，理應厭離。：而自心淨，理應欣求。

※《彌陀要解親聞記》云：「前釋六信竟，今當釋願。願者，四種弘誓也。四弘、依四諦

而發。依苦諦則發眾生無邊誓願度。依集諦則發煩惱無盡誓願

斷。依道諦則發法門無量誓願學。依滅諦則發佛道無上誓願成。」



※《彌陀要解親聞記》云：「厭穢，要離之又離，捨之又捨；捨離至無可捨離處，方為究竟。

欣淨，須取之又取，求之又求；取求至無可取求地，方為究竟。然究竟二字，

若論豎義，須至妙覺，修德畢功，性德圓顯，取捨之情見空，至此方無取捨。」

※《彌陀要解講義》云：「如何是取至究竟，方無可取？必須求生極樂，直上九蓮，則但

受諸樂，方是更無可取。以現前方便欣厭取捨，而至究竟不取不

捨也。前欣厭取捨，是即理之事；後取捨究竟，是即事之理。」

○言執持名號，一心不亂者，名以召德。德不可思議，故名號亦不可思議。

※《佛說無量壽經》云：「是故無量壽佛，號無量光佛、無邊光佛、無礙光佛、無對光佛、

炎王光佛、清淨光佛、歡喜光佛、智慧光佛、不斷光佛、難思光佛、無稱光佛、超日月光佛。

見聞獲益（分三：一、滅惡益。二、生善益。三、離苦得樂益。）

一、滅惡益

其有眾生，遇斯光者，三垢消滅。

二、生善益

身意柔軟，歡喜踊躍，善心生焉。

三、離苦得樂益

若在三塗極苦之處，見此光明，皆得休息，無復苦惱，壽終之後，皆蒙解脫。」

○五悔 六念等（《彌陀要解講義》）

※五悔：一、懺悔。二、勸請。三、隨喜。四、回向。五、發願。後四亦名悔者，以五者皆能悔過滅罪故。

※六念：一者念佛：為慈悲導師。二者念法：乃諸佛所師。三者念僧：是人天福田。四者念天：得長壽安樂。五者念戒：能清淨三業。六者念施（捨）：能普濟有情。

※《佛說觀無量壽佛經》云：「復有三種眾生，當得往生。何等為三？一者慈心不殺，具

諸戒行。二者讀誦大乘方等經典。三者修行六念，迴向發願，願生彼國。具此功德，一日乃至七日，即得往生。」

○唯持名一法，收機最廣，下手最易。：第一方便，了義中無上了義，圓頓中最極圓頓。

※《彌陀要解講義》云：「下三為理妙。方便者，對機修法也。持名念佛一法，念念即佛，

不落三乘諸行，故為第一方便。了義者，大乘顯了之義也。亦

以念念即佛，不落第二義門，故為無上了義。圓頓者，圓融頓

超之法也。亦以念念即佛，不落偏漸階級，故為最極圓頓。」

○信願持名，以為一乘真因。四種淨土，以為一乘妙果。舉因則果必隨之，：為經正宗。

※傳燈大師於《淨土生無生論》云：「法界圓融體，作我一念心；故我念佛心，全體是法界。」

論曰：行者稱佛名時，作佛觀時，作主伴依正餘觀時，修三種淨業時，一心不亂時，散心稱名時，以至見思浩浩恒沙煩惱；凡此有心，皆由真如不變隨

緣而作，全體即是法界。故法智大師云：【法界圓融不思議體，作我一念之心；亦復舉體作生作佛，作依作正。】若然者，餘心尚是，況念佛心乎！是故行者念佛之時，此心便是圓融清淨寶覺。以此妙心，念彼阿彌，則彼三身，何身不念！求彼四土，何土不生！但隨功行淺深，品位高下耳。」

○第四明力用，此經以往生不退為力用。

※《彌陀要解講義》云：「先總標力用，即功能力用。達默法師，以力言功，以用言德；此經以往生為功，以不退為德。經中云：眾生生者，皆是阿鞞跋致，不僅上三土不退，即同居土，亦得圓證三不退。既生彼國，即是最後身，可以入補處位，疾趣菩提。」

○往生有四土，各論九品。且略明得生四土之相：若執持名號，未斷見思：分三輩九品。

※《彌陀要解講義》云：「四土者：一、凡聖同居土。二、方便有餘土。三、實報莊嚴土。四、常寂光土。每土各論九品，皆以念佛之勤惰，功行之淺深，而分品位之高下。」

且略明得生四土之相：若執持名號，未斷見思四句，此先明凡聖同居土之相。極樂同居，與娑婆不同。娑婆此土，有六道凡夫，二種聖人。：二聖者：一實聖，即已證三乘聖果，未入涅槃者。二、權聖，即四聖法界，示現人天等道，度生者。凡聖雜居，故名凡聖同居土。極樂此土，則不然；雖有凡夫，純是念佛淨業得生，非是有漏業感。但有人天，無四惡趣；亦無四空，外道、魔王等天；純入正定聚，無不定聚，及邪定聚。但見思煩惱未斷，且名凡夫，聖人亦有權實可知。」

○於同居土，分三輩九品。

※此土以見思二惑分九品。方便有餘土，以塵沙惑分九品。實報寂光二土，以無明分九品。

○若執持名號，未斷見思，隨其或散或定於同居土，分三輩九品。

※見思者，迷理起分別，曰：見。對境起憎愛，曰：思。見惑，即五利使，歷三界四諦，有八十八使。

○若持至事一心不亂，見思任運先落，則生方便有餘淨土。（以下糅合《彌陀要解親聞記》）

※事一心不亂者：行住坐臥，皆不離一句洪名。於順逆境不起憎愛，不被見思所亂，乃得我空。正念佛時，雖有人讚嘆，亦不生喜。雖有人惱亂，亦不生瞋，則我人眾生俱空，見思任運先落。

※方便有餘土：約娑婆論，斷見思惑，證二乘果，修方便道者之所遊居。離分段生死，尚有變易。但破見思，未盡餘惑。故名有餘。若約淨土論，則但出娑婆三界，生於極樂，不出同居，而超方便土。凡得生者，純是菩薩。雖有聲聞，而非定性二乘。如得生西，俱無量壽，可增進故耳。但斷同惑，名曰聲聞。餘惑未盡，且名方便有餘土。

○若至理一心不亂，豁破無明一品，乃至四十一品，則生實報莊嚴淨土，亦分證常寂光土。

※理一心不亂者，從事一心不亂，不落二邊，見中道理，破無明惑，不為二邊之所亂也。無明者，無所明了也。凡夫眾生，不了真諦，所以執有。二乘眾生，不了俗諦，所以沉

空。菩薩眾生，不了圓中，執著二邊，內修空觀湛寂，而外有眾生可度，俱在無明之中。

唯佛四十二品無明斷盡，究竟登於涅槃山頂。所謂無明大夢已得明，即為常寂光之究竟佛也。若破一品無明，則入初發心住。若破至四十一品，則入等覺位。則生實報莊嚴淨土者，謂從此同居穢土，橫超極樂實報淨土。

※此明實報莊嚴土之相，亦名實報無障礙淨土。全性起修，稱性所感。真實果報，色心自在。身土互現，身能現土，於一毫端現寶王剎；土能現身，於微塵裏轉大法輪。稱性莊嚴，無障無礙，四十一位法身大士，之所遊居。必由全性起修，而至理一心不亂，豁然大悟，破一品無明，證一分法身，方生此土。乃至破四十一品無明，位居等覺，亦屬此土，位位皆得分證常寂光淨土。

○若無明斷盡，則是上上實報，究竟寂光也。

※前來伏見思，則生同居土。斷見思，則生方便土。斷無明，則生實報土。若無明斷盡，



則是實報土之上上品也。究竟寂光者，登妙覺位。究竟三德秘藏也。前三土皆言往生，此則言是者。前是因位，無明未盡。乃至等覺尚有一品生相無明，故皆有可生。所以文殊、普賢善財等，皆發願求生。今是果位，永斷無明，故曰：則是。所謂盡大地無非常寂光，故無往生之可言也。

※此明常寂光淨土之相。常寂光土，即如來所證三德秘藏，究竟涅槃。常即法身德，法身常住不遷故。寂即解脫德，一切塵勞永寂故。光即般若德，般若光明遍照故。三德不離一心，復本心源，究竟清淨，是證常寂光淨土。

○一、念不退：破無明，顯佛性，徑生實報，分證寂光。

※念不退者：念念流入如來果海，已破無明，已顯佛性。用中道觀智，破一品根本無明，顯一分三德佛性。正因佛性，理心發，顯法身德。了因佛性，慧心發，顯般若德。緣因佛性，善心發，顯解脫德；是謂圓發三心，圓證三德，開佛知見，徑生分證常寂光土。

○二、行不退：見思既落，塵沙亦破，生方便土，進趨極果。

※行不退者：度生之行精進，不退墮二乘地也。見思我執之惑既落，而塵沙法執之惑亦破塵沙二字，從喻立名。此惑能障化道，化道多故，如塵若沙，須修假觀。此惑可破，見思既落，即生方便有餘土。從空出假，涉俗利生，常修度生之行，上求佛道，故曰進趨極果。

○三、位不退：帶業往生，在同居士，蓮華托質，永離退緣。

※位不退者：娑婆與極樂不同，此土要破我執，斷見思，證阿羅漢，不退墮凡夫地，名位不退。彼土則不然，不必一定斷惑，只要一心念佛，乃至十念功成，亦得帶業往生。從此娑婆同居穢土，橫超西方極樂同居淨土，於九品蓮華託質，永離退墮之緣，即圓證三不退。

※以常見佛故，念念求成佛道，證念不退，永離念退緣。以常聞法故，樂修大乘之行，證行不退，永離行退緣。以常與諸上善人，俱會一處，觀摩薰陶證位不退，永離位退緣。